



初忌歎

去年猶此日慈母尚在堂今年去慈母嗟兒空迴腸含  
悽撫靈席灑淚舉遺裳依依見窈窕忽忽入渺茫親在  
視若易親去尋何方有兒不能代無母不能忘觸地地  
云厚叫天天轉長抱此曲江毀慙彼法慎祥夜臺望遼  
迴秋飈來淒涼人生珍孝義孝義古所揚三公奚重輕  
一養屬綱常思之夢魂杳愁來終身劖星躔已四序歲  
華忽一霜禽蟲聲啾啾率樹葉蒼蒼親逝不可及兒心

感以愴願言崇令德永使寂居康

望五嶽辭

我昔思之在泰嶽天門日觀千靈託仙人邀我穆丘宮  
授以蒼帝飛龍藥親去于今興如灰嗟嗟空望齊雲嶠  
我昔思之在衡嶽寶洞石罔千靈託仙人邀我祝融宮  
授以赤帝飛龍藥親去于今興如灰嗟嗟空望湘雲嶠  
我昔思之在華嶽明星玉女千靈託仙人邀我修羊宮  
授以白帝飛龍藥親去于今興如灰嗟嗟空望秦雲嶠  
我昔思之在恒嶽乾門坤軸千靈託仙人邀我昌容宮  
授以黑帝飛龍藥親去于今興如灰嗟嗟空望燕雲嶠  
我昔思之在嵩嶽太室少室千靈託仙人邀我日月宮  
授以黃帝飛龍藥親去于今興如灰嗟嗟空望梁雲嶠

小園四吁歌

寂坐臨山茶細雨淨江葩思親獨不見空有海紅花吁  
唏吁唏心欲麻

紫膩漢宮分紅嬌吳苑落思親獨不見空有水芍藥吁

唏吁唏心欲錯

修葉凌風夕香根凝露寒思親獨不見空有九畹蘭吁

唏吁唏心欲初

玉叢含淨色仙芬散曲圃思親獨不見空有木犀樹吁

唏吁唏心欲腐

讀皇甫規妻傳

婦人不在文文婦身多推書記相外職工之若可猜是以文名婦夫死鼠雀來詣門獨抱鬱鬱傳奴紛喧逐鞭僕恨不速羗胡罵自哀寧為車下尸不為勢人回重泉見夫子永訖心顏開嗟嗟禮宗圖漢史欽玫瑰羞彼懷董者空爾歷三臺

徐充容歌

唐太宗祿修玉華宮充容目書諫焉讀之麗然且則故復憐其終節而作歌云

御府紛神聖言路半榛蕪一疏思匪易三難古所虞矧伊柔脆姿迺操風烈心天才綺以練神理宏復深乍眺玉華侈極陳金屋非正色不羨當熊壯抗言為比脫簪徽女族之汲黯帝幄之班姬生也諫君明其志死也慕

君終其儀赤忠英英臣獨難素節炯炯婦可宗羞彼邪  
佞將何庸君不見徐克容

王婉容曲

宋徽北狩虜迫王婉容為子婦徽云好  
事新主婉容誓不事二主列馬虜鄙宋  
之大臣無然者因禮  
葬樹碑曰貞婦冢

英英瓊妃姿艷艷金屋美從之北狩來戀彼南朝裏粘  
罕是何人迫脅四太子帝命不敢違帝心何可已初哭  
哭人國再哭哭人婦叶一身事二主孤操無忍理就輿  
操佩刀刎首暢絕紀昔為宋家生今為宋家死強顏性  
所羞全主義不毀烈烈貞婦碑朝臣紛莫擬

韓希孟歎

魏公五世女孫為  
元兵迫而死之者

運入厓山極兵至岳州淪干戈百戰慘天地一時翻宗  
姬吹橫竹王女失故藩偉哉韓希孟炯炯志不淪一身  
赴流水一帛明忠魂琅函照湘沔珍辭低崑崙強虜已  
莫近清夢尚能言不緣君子筆誰識魏公孫

讀春申君傳

抗言回昭王獨智返太子強聲復楚甸相令馳吳鄙詭

中李園謀堅拒朱英徙禍成棘門端食客空珠履

讀宋弘傳

烈哉宋仲子高風耀良史佯死避赤眉徵車就白水峻  
斥繁聲非廣引諸才美抗言列女屏潛愧主家擬諫行  
國事振帝德臣所喜芝草無芳根竒數何可理

讀韓世忠傳

嫉才相道否和戎國事空高勳百戰處直氣一揖中行  
都能自匿宿僚不相通絕口謝上將跨驢隨奚童南闕

禍機遠西湖逸事叢宋家元氣耗誰嘆清涼翁

讀岳武穆傳

恨哉莫須有孽臣踪跡同鼠狗文武艷名人反擠忠孝  
竒德天不祐天欲厭宋先厭飛道君祝書父子非建康  
猶進二勝環伶人惜之竟莫歸噓唏噓唏飛之死剩惋  
傷英雄吊罷秋風涼萬里中原唾手取十年將畧如山  
起書生何人瞰賊心痛飲黃龍空自喜

讀朱文公傳

蒼龍出神洞紫氣涌靈泉夫子振南州華星耀東躔戲  
沙畫成卦解語識問天從師欽父訓廣交濬學淵試政  
同安宜宜忠召對專御匱六事切宿學四字懸斥去傳  
經會奏除總制錢嚴諭洞僚歸極諫臺史偏盜柄憂佞  
胄繩邪約龜年拜命不足榮受誣何損賢家貧性自適  
學禁心彌堅簞飯諧生徒杯酒宴山川立朝四十日  
文一萬篇道慳取正印聖派得真傳季世遺表微中區  
化軌宣

讀揚龜山傳

故習人長迷獨識世多誹甘酒投衆心太羨駭邪味聖  
狂礫璣分世俗容易寐謬彼王氏學業之十年利作配  
素王宮熒惑入膠序一旦疏其非顛倒浮言遽偉哉文  
靖蹟不為伊洛愧孤柱迴狂波哲匠理彫器諫官肆狂  
詆先達發深畏千古明正宗乾坤道不墜

讀文天祥傳

兩屏運已剝一震勢欲淪竒節推江相英風嚇宋臣傾

賢理軍事撫几痛國夷早遇樵夫濟再脫空坑危不愁  
妻執死獨憐母罹殃燕市肝腸烈江鄉日月荒黃冠未  
易得白刃何能辭忠義乾坤動聲名草木知誓心俎豆  
切名語衣帶光事去已失主分深自不忘孤蹟連枝殊  
公義古所嚴同作第一人愧哉留夢炎

讀張商英傳

嗟哉張商英空負詩王姿竊附安石門早用章惇推上  
書稱新法將以行其私欲鑿司馬棺傾仄一何欺下令  
肅勿犯胡不如胡兒所以護法論他道總無知

要離篇

人心苦忍薄天道烟劑量鷹狗易以嗾首領安可長試  
觀古要離甘為闔閭志斷于焚妻孥詭辭如衛疆育風  
獵慶忌殺人如殺羊雄哉賤丈夫于身終何良

季札歎

繫行西山節高讓東吳軌觀樂嘆魯庭脫難裨吳氏繫  
劍存徐君廢瑟匡文子待命悲力單閱覽識物始不觀



宣聖題誰識延陵美

讀戴伯簡小傳

君不見戴家郎君狎惡少父業飄零轉輕嫖耽酒呼蒲  
不顧家老奴何人發大叫挺刀欲斫游者頭感動郎君  
忽改調昌國魚鹽售已多戴氏規恢稱絕妙噫嗟嗟莽  
恭凌漢祚甫笑傾唐室光肅炯炯聽忠言帝業中興耀  
如日古來忠言好家國一龜寶

鼓刀叟篇

君不見鼓刀叟跪餌茲泉在冰陣盤石幽幽膝痕深三  
晝三夕苦不吝可柰驚濤無食魚怒解衣冠心欲振異  
人何人教徐徐得鮒得鯉終奮迅古來辛勤天不負到  
處老成國所右君不見鼓刀叟

濠梁吟

感懷  
五首

嗟嗟濠梁水一望何瀝滂買舟與母辭舟開陽未覩母  
淚零如珠兒懷痛欲劈毋兮重念兒飲聲視寂寂欲回  
不能回捧此毛生檄

嗟嗟濠梁雲片片碎巔出毋云兒去此莫負檄者意何  
况明天子開廐納文駟板步凌高風孤闌展邀思可喜  
陸贄迎最薄姜維志

嗟嗟濠梁山四抱濠梁驛驛亭送毋行解舟愴乖隔對  
飯不忍啖持蔬何意齧一日九斷腸千愁萬里客功名  
在何處子毋心如石

嗟嗟濠梁樹風葉青霍霍非樹外看毋舟十里如一咫尺  
心切南陔毋日已西指玉驄一何勞金蟬一何憒祗綠

三釜粟遂勤曾參仕

嗟嗟濠梁草芳夏綠翼翼毋棹向淮西兒帆遵冀北骨  
肉生別離對此鬱悽惻色色淚眼迷株株離恨極何時  
萊子堂歌舞開孝臆

詠感

誰不慕華近所傷在邑里誰不樂安康所苦在民士是  
以公相蹟多從守令起慎勿憚煩勞而為士望恥君不  
見錢明逸快快為泰州魏公只道生靈憂至今千載珍

相謀

嗟蟻伊何辜巧為鮫鯉取嗟魚伊何辜苦為鷓鴣脯官  
家臭腥不可食古來絮庶稱稱職墨吏昏昏眼飛花奪  
民之命神所殛君不見曹節度積錢千緡不如父阿母  
一見發嗔怒

昔聞無辜人背上生肉龍突地囚之獻天子一心只欲  
阿九重可憐含冤死何鳴他年空爾嗔宋宗嗟嗟殺人  
媚人人為仇而今多少程天球

病思行

神飈革炎序古榦鳴寒蟹雨碎棕櫚葉風披薯蕷香翠  
篠捎窓響綠苔繞石芳秋啐悲集候暮鴻愴隨陽一日  
三番病十年五不祥度帶情已惡蒙被愁何長形憐衛  
子備醫謝越人良草侵張氏席塵合虞君牀涼陰生宿  
慢淒色入清防弱妻念遼迥穉子憐彷徨里落知心少  
門扃問客荒傾想白牛應沉憂赤蛇傷有疾兼桐杖無  
術遊蓬莊蓬莊切我思桂闕何可忘崔嵬八瓊室窈窕

九琳堂燁燁金光草煌煌玉符章夜流沉瀝氣晝和崑  
崙漿五禽人外戲八鳳歌中揚壺公撫我側繳父道我  
傍浮丘同嘯傲太容陳宮商駐景長生窟蠲痼不死鄉  
瑤林明白兔寶苑薄黃羊誰復苦造化獨能齊彭殤祇  
抱臨霞嘅雌節終渺茫

大水歎

怪獸瞻合窳孽禽愁胜遇黑雲刺皓月素秋飛黃霧霹  
靂一聲蛟龍翻池塘四望魚鱉去高田低田生波濤早  
禾晚禾成泥淤南山流死尸北山没住處瓦屋倒如推  
草屋飄如翫樹頭生耳悲烏兔村兒隣叟空號譁一年  
生事何所訢官家誅求尚無數

七夕歌

雲沉赤溝淨月生白露寒綺樓邀織女繡凡薦芳餐巧  
卜明星酒潛迎瑞鳳翰人生有榮遇神情無阻歡君不  
見郭子儀從軍偶值銀州夜靈光炯炯照客途仙車忽  
自天霄下一生脩饗報已先萬里神蹤看欲化壽貴從

來天所司功勳原以人為假千文祝之愧輒軻奔龍渺  
渺空星舍

三述

程偉負凡骨枉與神妻偕叔夜寡仙緣空嗟石室乖人  
生有定器義分無能回尸祝思庖厨烟戒古所裁苦彼  
身外筭馳逐良可哀

鍾繇學書法一學三十年晨坐晝地勤夕卧晝被穿觀  
物思擬形墨妙區中傳人生貴知鑒神理難窈妍讀書

如學書何但鍾繇賢

嗟嗟如來藏非異復非常指心誤作性曠蕩寡權量諸  
相歸幻境善道何可長中訓虞庭闡理學伊川揚達磨  
終謬悠瞿曇今渺茫

誄玄

禮境坐丹牖義海理玄論生來多滯著隨處失胚渾流  
溥覽元化晦明探真源神軒風白祕靈溪浪不翻天淨  
繁雲卷山空濁霧奔藉柔非定軌飽鮮寡淡殮冥津悟

魂魄動境傾崑崙玉鉉危幾伏瓊琬慧業存五纏仍自  
苦二障安可援人生如石火烈焰難常燬孤坐晝烏狎  
圓極竟迷昏

詠錢

錢刀懸殺機錢甕凜神管錢埒意何荒錢統害已闡錢  
愚古所譏錢僻終非善錢妖如牛聲錢散如燭轉人生  
崇義分錢多苦日短况彼子禍貽冥數不可舛君不見  
子昂號世富墨吏歆不滿納錢二十萬獄死猶未免錢  
兮錢兮因緣淺澹泊從來神魄展

悲秋篇

金神四馳扇殺機火龍一日收炎暉高原獵獵闔風發  
平沙渺渺塞鴻歸千樹萬樹翻紅彩遠天近天明素威  
碧壺銅史分暮節青腰玉女揚霜輝鷓鴣晝鳴摧野草  
鷺鷥寒立傍魚磯敞園橘柚煙初散落日梧桐葉亂飛  
陰壑凄清生虛籟候蟲索寞喧空闌向屋隱隱蚊雷起  
隔林細細蟬風微我時思親親不見遂令夙願願多違

四時一秋慘顏色三川百物增歎歎每年凄辰猶嗚咽  
况今憂次泣裳衣悲哉秋氣漫成賦那與宋玉爭音微

條巖篇

擬贈張司徒

嗟嗟中條山鶴挂雉翻虎蹲虬伏雄天關跨梁帶晉不  
知其幾百里顯光層氣飛人寰上有棗棹蒲桃鐘籠卷  
菴玄猿素蟻凌雲蟠不有瓊瑤珂瑠瑜珥瑤環金精玉  
英詭暉繁鹽開一池練煙接三門寒堦墳禹廟松鬱鬱  
傳巖巫水草曼曼玄女洞頭春浩渺黑龍潭口波噴玩

大翻小翻橫天漢千疊萬疊當河瀾五色未羨崑崙勝  
九氣不數蓬瀛寬從來靈秀迥不斷化出豪賢紛可看  
條之巖兮肆有客風骨迭蕩才姸媿榮路飄飄二十春  
山靈淪精自竒格出典專城入劇曹軍儲國計聲光潔  
高風已擅度支郎吳水燕山多茂烈萬里鵬霄應遐鷲  
百年不負晉陽傑媿我憑軾兩經年別來卧病心懸懸  
聞君宛如見君山爲君便賦條巖篇

宴坐

塵境掃五翳宴坐肩雙扉自憐身有漏誰識心無希惠  
能向南奔達麼從西歸得髓原妙理敲骨終迷機空讀  
維摩經天花猶染衣

窺心篇

老烏夕叫夢魂殘神龍夜吼秋雲寒草堂淒清坐混沌  
挑燈不寐更欲闌泡露紛紛悲此生兔規鼠技虛縱橫  
物化每探椿菌味人壤誰解豕風情磨洗諸礙窺心空  
渺如跨鵬凌高風飄飄不為塵機染猛與上皇論玄衷

觀漲

溟渤倒翻天地昏蛟龍橫出波濤喧寂坐敞郊看化軌  
迴環元氣在江門青添榆柳慢蓬莊翠湧菰蒲媚草堂  
漁樵釣策煙霧穩不妨嶮外弄滄浪

法藏寺漫寫

停輪留鵠苑覽竒窺鷺池塔懸金團座臺倚玉皇祠榮  
條分翠莢枯根抽綠枝講字明二諦淨土解三伊幽探  
白象夢混觀碧鳳辭般若含花塢真如在竹岬愧我凡



籠客寂理終難知杳杳撫膺歎何以安三危弱植遇昌  
朝當非窘步時

舟駐天津從武清入京

耳棹薄蒼渚整鑣遵玄州玄州一寨裳青春萬里遊深  
懷十年養薰抱杞人愁取頭寡鉅力秘影慙峻猷迢迢  
陽陸窸窣眺陰取陰阪半枯草窮海幾遊鷗麥根細  
緜緜條開簡柔衰猿響修吟啼鳥喧濁流極目慘赤  
傷班鳩徵騎分磨室選軍屯薊丘犀甲環御陌

象狐懸戍樓野發杼抽歎

朝勤宵旰憂憂勤切霄旰

邊塞轉啾啾胡馬塵猶昏夷羊牧未休煙橫蒙兀國氣  
驕骨都侯誰忘龕暴志莫售搗巢謀宮階奮櫻討邑社  
廣誅求末臣苦不振

神聖自握籌

鳳陽諸郡縣大水

海神跨白馬追隨十二子飛走來江淮霖靈鬱不止朱  
鼈烟市浮黑蜮陽崖起狂濤淹苗痕懸溜啣屋址城郭

一通川周望無涯淡餓夫泣遷廬老農嘆懸耒赤幘空  
展祭白日掩行畧迢迢歷我舟覽之憂未已誰上損田  
書蠲負下渥旨

道山高行

噫嗟嗟道山高嶺岿峩嶸嶸與雲翺白鶴青龍  
走其背洞庭震澤環其臯上有孔子臺光連霄漢赤虹  
來下有朱熹洞風斷塵埃紫鳥唳前有濂溪水文淵九  
璇滌凡痛後有子雲亭藝林一望捫華星良嶽雄雄不  
足驚海山峩峩空存名上磴下磴鬱蟠蛇大石小石紛  
嬋媛枯藤倒掛擬修幔老松橫盤如卧龜霞外遊禽晴  
弄羽川上泳魚午避喧娟者從之自得意下探旁薄上  
昆侖讀書丹噐恊勰夢操筆青黎應釗軒聲牛飄飄虛  
愛尾鸚鵡娟娟枉學言四端銘載道轡三字符入道衢  
賢關聖域非迢遙東馳西騫空勞勞念我經生學子何  
當踈跂侔莫以求到噫嗟嗟道山高

上元歌用韻漫寫

明莖草一何渺芳苾燈一何少從古誰探不夜城祇今  
唯見上元好高燈低燈懸如花簫聲鼓聲春浩浩色借  
星橋明光分月田曉風和鷓鴣旋雲爛齒齒繞夜樓雞  
闌寒晴城蠶卜早七貴門前舞游龍五侯陌上誇飛馳  
金吾使者禁已弛珠袍少年走欲倒我時歌春姿賦天  
保冉冉歲復來冥冥心欲槁海波翻騰悲世艱江雲零  
亂憑誰掃結思夜龍宮混觀竹象島白晝眩眩看槿榮  
青蘋娟娟狎鷗鳥汗漫八溟遊逍遙九巖眺對酒思醅  
醕放身與窈窕俗桎何所關塵根元不擾噓唏噓唏達  
者是何人君不見披裘子卧江表鼓刀叟甘野老萬年  
風槩琅琅天下難得之奇寶

孟亳州之任

矯彼滄淵虬盤茲蓬丘鳥分霖回枯痕摩霄恣廣眺本  
來竒物生振跡非眇眇嗟君鼎貴家才格推腰褭薄試  
銅虎符惠風到吳嶠操爾冰檠心先德光浩渺  
上皇寵慈君辟書當未杳

異集文集 卷一 二十八  
李子令滕縣

鬱鬱碑榭樹修幹終非虛幽幽瓊瑤葩芳香何可沮念  
子非近器厚抱當遠舒赤裏依翔鳳玄化洽遊魚山村  
桂枿少海戶鈇捦初惠風流孟館高節動姚墟願擬循  
吏傳有日報公車

徐子赴雲南姚州幕

吏衢苦秦莽尾僚乖其馴五蓋循禍途三事久摧輪眷  
茲靈朴士不失陰康民眇眇姚州幕迢迢滇國濱風行  
三耳山忘在百蠻人垢業不可習潔行今阱珍銓鏡一  
何朗遲爾真逡巡

三吳

袍鴉在我前鳧後在我後寂寂在我左鷓鷯在我右三  
吳一何嶮萬事一何瞽此心有主張天道無反復

入蜀山

捧節玉蟾嶺褰帷金鳳顛上山摩蒼漢下山落紫泉泉  
深不見日漢高不見川羊腸千樹轉鳥跡一髮懸跋屣

騎士下喘汗輿人瘖目駭戟牙躡魂崩劍背綠棧道還  
自掩漏閣非所先此身是何物竊愧履危篇

入蜀水

蘭橈泛鷁彩桂牖窺蛟瀾瞿塘似幽甕巫峽疑脩盤夾  
岸石齒齒崩崖溜珊珊紛如萬騎走森如六軍謹霆坪  
側柁急風撼歌帆難孤寐若欲覆寂坐不忍看訪俗志  
未已問水心先寒不涉龍門嶮寧知鹿野安

天然橋

我觀天然橋玄造人所難虹飛混沌澤龍跨鴻濛灘怒  
濤通急軫鬱雨宜征鞍不借宗工筭莫勞哲匠看世心  
皆如此鴻靈何可刊

憶予

高江天冥冥逐日雨飛飛憶予稟竒薄法署空嗟歛四  
蜀遙祗役萬事迷沉幾昏旦弄赤鉛寒燠對楮衣讀律  
非故業論刑豈芳徽碎務神魄耗繁文寢食希行如唐  
兵逼駐如秦軍圍艱如臨象戰嶮如觸虎威病來憑誰

攝親遠從何依節候未暇酬物華不知歸無能為邊雄  
無能為國肥民事匪所益

帝憲難以揮發隱擔叢然擊斲蒙嫁非鬱鬱志罕揚拘  
拘職多遣雪侵疲勞鬢霜凝冷峭靡羊鹿幽于欄狗馬  
縛其鞶榮路當苦海平世履危機半生償宿累深愧帝  
知微

登峨眉

瓊山沃沃多黃芽珍殿峴峴半白霞缺峯下瞰城為蟻  
壘磴倒飛雲作花南戒北戒擅奇麗參星井星淪華華  
八十四盤還絕嶮一百二關安足誇覽勝遠煩司馬跡  
凌虛小駐薄延車女媧洞口坐何暮梅子坡頭意自佳  
飛雪老巔不可到空臨珠閣愧金沙

問峨眉

西極岩崑爾絕危北來縹緲我疑思一峯插入三辰上  
萬里眺之五嶽卑雪帶杪巔暑不化雷翻下界鬼神奇  
歆崖側島山精走屑浪崩濤江伯麾雄標兀兀掛天柱

吳集文集 卷一 三十一  
嶮介亭亭橫地維鳳葵麟芝艷紫英免苑鷄峯冒赤莖  
偷春瑤葉誰知採迸地瓊苗不辨名飛蛇騰雷凌空出  
青兕黃熊傍嶮行寶華臺高六塵斲水晶域冷四時清  
鍊師禪伯歌迴席逸客遊人嘯倚屏掩畢星邊赤手捫  
太微天上玄悟存聽籟忽然蕩紛垢窺源不覺淨心魂  
江國巡遊疑汗漫海天伯仲見崑崙心飛燕殿丹霞杳  
目極嵩丘黃霧昏黃霧丹霞隨處盤嵩丘燕殿幾時還  
夕窺簿牒風霜暑朝跨蹇駑豺虎關每道鬼車殃下邑

誰占月暈擬連環已渝涸敞江村徙越雋荒涼夷落閑

怨色未全消野外法光何意動民間鐵刃懸懸穢永嗔

金丸炯炯惡鷗顰怪猿拔箭陰嫌我妖域含沙暗射人

旅遊多病戒孤蹤愁髮半華凋宿容尋古不妨學飛鳥

聚星聊得看群龍

時同分潘孟侯  
分臬姚侯玉侯

黑水白水寺名光陸離

大雲小雲

峯名

紛差池鬱境煙凝掃不去苦端風緒慙何

裨衣冠濫濫違巢許山水寂寂謝龍夔往如夢幻來如  
添試問玉靈知不知

歌鳳臺

有感  
接輿

矯彼陸通節誰言楚國狂三使不足榮四蜀乃所康哲  
妻畫朗機我肩遂同行長歌成高蹈不為迷陽傷

畫角歌

君不聞畫角聲寂悲成都健兒攔街吹悠悠颺颺勝歎  
斷秋月春風冷法帷每於

墀闕懸孤情遂將軀殼換浮名御史之臺原怨府况以  
駕蹇驅豺虎此生苦事落危曹何物愁人來亂毛老親

幼兒杳不見一身萬里誰相眄舊病新病空皮骨東走  
西走憐飄忽迷鳥未能抱朗機羈禽何可成高飛畫角  
吹兮不忍聞嵩山隔斷蜀山雲家林日夜來魂夢聲聲  
畫角送殘曛

五峯歌

有序

司寇即近齋徐君啣 恩命來蜀事竣將取道歸壽其  
親喻子別於瀘陽之五峯山因時紀贈聊以見情  
別君五峯巔峯當九市廛上有羽衣霓裳凌風仙下有



青雀蒼隼連江舫此時雲和三巴烟何處日漏一線天  
 與君乘暇細觴傳山花江鳥春可憐君才落落自青年  
 福星炯炯照赤鉛

帝恩已遍西極川親壽還從東越旋鷁彩泛泛清且妍  
 鶴髮雙雙耐以堅丹州桂海真境懸白首芝泥樂事駢  
 歸囊如玉那言錢天寬地寬人娟娟我肩不老歌一篇  
 持此壽親親心便

湯峽口 石磴一線兩山夾之虎依為巢過者蒙害因書而告云

迢迢湯峽口人言虎橫行迴磴石亂盤飛峯雲下征禍  
 賊憑空來孽雄傍嶮生白晝搏人食青山度客驚黃黃  
 天壤色洶洶邑里情窺樹疑伏毛聽泉猶怒聲浩彼渝  
 州道苦茲樞星精酋耳不獲見封邵安可櫻論法當抵  
 死汝惡况已盈嗟哉民何辜而為汝所傾願言崇昭命  
 長化歸太清汝惡如不止苛政幾時平

巴國謠

巴子國望帝宅極眺半窮巖胡豆苦蕎和燕麥收來食

不盈荒來稅猶迫愁見三輔蝗苦遭五技龜夷落番部  
獺窺江澗戶礪房猿叫夕貪天昏昏不知憐忍吏克克  
何所惜王伾漫爾裁珍匱秦家不慙羨金策願言一心  
明雙目同為創殘事驅逐君不見一家哭那如千家哭

楊氏行

唐頃城令李侶妻也苦希烈亂將走揚書以義畧令若民感焉死守既而賊退晉失揚之功偉哉故作揚氏行

君不見李希烈陷汴州育風毒霧頃城頭棄城走者九  
幾人何但令也寡風猷有妻英英丈夫女抗力挺志如

虎旅君逃誰守夫先懼指兵揮財勢莫沮執義動民悲  
執爨惜民飢諭賊賊不識責夫夫不移賊帥忽忽殪流  
矢賊退懽懽保邑里邑里朝家那得知不為婦揚為令  
喜若非奇婦者安得榮秩下視彼韓妻上書罪其夫斯  
則幹旋閨帷善陶冶噓唏秦噓唏賈賣降覆國空遺罵

雜感

冥賞不易得與理不易分金珠童孺棄菽麻野人欣穢  
土邈高嶠荒林昧奇芬嗟嗟覘畢士誰達希世聞

玄化如雲物世局如轉移蠟戟未能刺鉛刀不可錐冬  
說火蠶綿夏說火蠶絲御物有通軌執物豈所宜

隋朝諸葛昂蒸妾饗衆賓椽肉先取飫怪心良不仁高  
瓚同忍薄掩目猶含嗔竒哉椽上炙無乃冥報神

魯連悲象虎葉公愛似龍禮園儻習夸賢人難獨容侈  
彼華錯物聊以啗時庸是以淮南王欽士古所宗

人壤欽交遊天倫借贊揚苦茲佻澆兒甘刺谷風章通  
路易驪洽禍境空愴快熊羆尚慕類兔狐猶知傷何如

古之人抗行渺莫當君不見吳保安郭仲翔友道良可  
慕報數非尋常

命物

嗟彼三化蟲孕先乃交後越茲二根人自牝復自牝命  
物匪能瞬異數安可語哲士討其常無勞從幻所

退翁直道行

讀直道編為督學  
陳雨泉先人退翁作

君不見吳山高雷冥兩晦元精韜君不見吳水長鼇翻  
鯨騰貞氣颺退翁之風誰與伍廊綜廟畫光九土畏路

每稱烈靈蹟迥不滅可憐丹石心獨抗朱繩節四朝能  
為國是翰三黜猶覺古人難艷譽還歸柳璨篋法聲自  
動義方冠繫室暗慘勢莫起律論喧逐族欲死委身不  
暇保妻孥明目只知報

天子鶴留鸞舉出幽園脫服懸車終大還至人渺渺子  
孫章報數炯炯天地間噫噓唏金有精玉有瑛偉茲型  
貞范淑督學君來者名勲焯焯可以視先生

蹇予

蹇予暗出處強顏遊江門貧女壓金線走狗逐山猿嗟  
嗟為誰忙空爾銷離魂北山歌獨勞浪泊悔馬接江鴻  
摩天遊海鷗比羽翻早知行臺阨不如卧林樊

行臺

簿牒如長江濤連波屬那停晷論刺如舉兵伏弩彎弧  
相對壘按臣之職成虛流行臺勞勞只自愁誰與論心  
是知己白首如新良可恥人生陽燄轉空花胡不歸來  
兮乃天涯

青城丈人行

擬壽劉培菴  
中丞七十

青城丈人鶴行天玄洲仙伯龍翻淵讀書早結十尋繩  
通籍還居六察先北關凜風霜南州肅紀綱前有槐嶽  
老後有綸闈卽抗志不與壤蟲伍元機只索澤芝叟玉  
晨風入翠微樓金液春凝紫海籌世外采采琅玕花人  
間渺渺崑崙丘日月紐軒車醜朱鳳霞舞常暢遊赤鸞  
雲歌元和酒果能珍勗為雌守頷言寶宮道龜壽

簡州覺林寺

君不見迷廬山三百三十六萬里瑠璃玻瓈散寶光銀  
虎金象蕩海水覺林山與爭長雄崩雲屑霧飛凌空突  
如馬鳴龍徂之幻容燁如戒珠慧鏡之靈蹤緝園煙覆  
九枝草緇廬塵斷七葉峰松風淒淒來芳辰檜月娟娟  
照客身東簿西牒墮苦海韜真練影是何人生也聚沫  
浮漚良可哀經年途輿館燭心歆灰上無以贊盛下無  
以起頽霜行不稱意雪刺未能回何當尋取本來靈明  
心祇以三十二相觀如來

楊小彭

合州首三十翁  
也因醫而書之

百齡世已竒誰能百三十嗟嗟脩眉翁飄飄野鶴立日  
月幾瓊妻山川半玉笈容成不足驚錢鑑或可及何當  
謝塵勞為我受丹粒

苦熱行

萬里陽雲飛三夏炎鑪熾鬱焰苦煎沙焦輝憐出穗不  
得龍髯拂空聞犀角賜烏失却火寒帛少澄水異誰痛  
劉賓山獨向壽麻地人世煩愁網天涯苦惱吏征禽返

故業遊蟻尋歸次嗟嗟一病身何能遂初志

長安大水行

長安之水何處來天河倒決崑池開累月陰陰雲不散  
徹夜淋淋雨如頽昨日龍東行今日龍西征昨日雷擊  
人今日雷擊城崩浪盡停九市車走波半没百官衙千  
人萬人化魚鱉大村小村歸泥沙路迷天壽山屍流張  
家灣民號涿鹿郡將哭居庸關通州城漫官廩淤盧溝  
橋塌使臣沮蛟蛇泛泛王庾第莓苔蒼蒼許史廬一望

渺莫遮四隣空舍嗟煙斷老僧寺漂去巡司家渤如天  
吳鳴蕩如海若驚不說鼠集樹不說鶴集薨大內之勢  
是如何城中城外皆江河彫眊遺噍荒未起枯形槁色  
病猶多大青幽憂誰與紆年例歲派總成虛遂使  
至尊下卹典不嫌諫職上災書災書卹典紛如駢羽檄  
刀斗聲喧嗔倭奴東亂久不去胡兒西侵勢歆然方彎  
辛愛秋心殘馬牧台吉霜墩寒鴈行隱隱愁軍食虎旅  
悠悠思將難銷氛全杖今軒義壙朝世世饗瑤禧水兮  
水兮何所致人臣之孽不可辭

送刺史王淮川歸休從吾草堂

古色重名義高風還故廬宿厭眉睫榮早悟泡影虛已  
貴仍披絮未老忽懸車遺愛衆依依蒙言獨如如蒿園  
教舞鶴淮波撫沫魚冥心遠氣埃放情媚林墟公論在  
京輦於爾何嗟噓

松山壽圖歌

松山者侍御安峯王君乃翁也為  
壽日屬詩辭不豐典聊以展慶

君不見白雲塢碧霞宮瑞靄靈靄與天通又不見西崑

樹南喬草千年萬年不知老仙家渺渺抱雌節象外浮  
游神采悅瑤圖金鼎和天倪長嘯一聲滄海竭主人何  
人續風流喻日吸月棲蓬丘開顏長對支離叟捐俗獨  
尋汗漫遊鳥道兔迹違世局荷衣芟坐心如玉玉壺先  
生已下窺金粟道人空碌碌青山白髮羨長生瓊酒瓊  
歌歲歲行主人不做即須做鐵冠玉駝光以榮况乃標  
望騰芳芬廊韜廟蘊出人群隆簡有時一按部雄風艷  
烈驅塵氛燕臺孟館隔雲深不在主側歡主心何人能

為主人壽生綃半幅傳家林

天靈盃

國初收戰骨為之貯淨水以奉佛者

紛彼白溝師淵哉紫府慟聚骨規成珠念之如來動皇  
心未易窺危事不可弄嗟嗟天靈盃虛切深閨夢

讀鷓鴣車說

鷓鴣車鷓鴣車書生莫漫泥兵書武剛偏廂古所予  
蚩宜險艾豸宜平不可居龍沙鴈門崎以墟執此擊胡  
空嗟嘯房瑄用之無片襖時異勢殊那截如中丞何言



言見沮王鉞胸中甲兵定不䟽胡為乎向人嘈嘈怨齟  
齟



